



Od Vlade iz Kanade

SVI SU ZA MIR, JA SAM ZA RAT - RAT UMA DUHA I SLUHA!

Originalci

Galerija

Razno

InfoMAX

Links


Božić (1992) na jednom bečkom mostu



pod nogama Dunav
tamo negdje daleko
Vukovar

pada snijeg u Beču
Božića 1992-ge
nek' nema Juge!

nisam rođen u sramoti
niči sam je skrivio
a - doživio



PADNEM i ja...



Vidiš u Srednjem vijeku je bilo dosta dovoljno imati oteži buzdovan i junaka koji sa tim zlom može mavati okolo bar 2-3 dana. Baš ta je tehnika na velika vrata uvela u legende, epove a i guslarske pjesme imena kao što su Marko Kesedžija, Musa Kraljević i ostali junaci kojima premca nigdje nije. U ta vremena se šutilo i radilo: već na prvoj suvisloj i kompletnoj rečenici bio si markiran za odstrel. Naime replike i retorike još uvijek nisu mogle između buzdovana i epskih pjesama...

Onda su došla tzv. moderna vremena i muški su uveliko preuzeli dugojezični primat nad damama. Replike i retorike su postale kruh i sol politika, kritika, nauka i ideologija. Kako sam buzdovan više nije bio od neke pomoći na tom novom, modernom „terenu“ replike&retorike pomoć su dobile novine, medije, internete i demokratske slobode posebno tzv. govora i mišljenja...

Svijet se uelektričio, uglancao, pa zapametnio sa demokracijom do SKORO pećinske raspameti.

Odjednom svi znaju sve. Baš sve. Hej, GuuUgle, je l' tako, a?

Svakako nije moje da se sad tu petljam i otkrivam -e, sad nisam siguran: da li moku ili samo toplu vodu...

Sam buzdovan NIJE ispario već je na najočigledniji očigled – nestao! Naime, dovoljno je samo okupiti veću grupu nas od one grupe njih i PROKLAMIRATI bilo što i bilo kako -ali VAZDA NAŠE!- i više ne postoji alternativa jer smo – demokrate!

Šta mi doista mislimo i radimo NIJE za nikakvu tamo raspravu, VAŽNO je da smo mi MI i onda čak i naša pijana lupetanja AUTOMATSKI postaju NACIONALNO BLAGO, a svaki onaj koji u to MOŽEBITNO posumnja ODMAH je markiran za odstrel!

MOJE ISPOVJEDI 005



Piše: **Samsebeech Ispovjediwoj**

S.L.A.M.A sa Vama! 2021

S.L.A.M.A sa Vama!, ja-pa-ja, a ko bi drugi, VLADIMIR Kreća ispod predivnih Stjenovitih planina je podcast koji bi se -barem MOJIM srcem rečeno- mogao zvati PERSONALNA RADIOSTANICA BEZ GRANICA! Kako su ljudi DANAS uglavnom nemilosrdno, a bez ikakva /svojega/ znanja i stanja, već formatirani u isključiva i samo njihova znanja, saznanja i stanja, ONDA ja nastojim ne dirati personalna opredjeljena, viđenja i stavove! VJERUJEM da doista svako može i treba biti /ne/sretan na SVOJ NAČIN. Ili barem

Ne bih se usudio teoretizirati ZAŠTO tzv. moderni čovjek VJERUJE da ima slobodnu dušu i misao, pa čak riječ i djelo..., ALI nemam nikakvih problema zapisati kako TAJ tzv. moderni čovjek SVOJOM VOLJOM betonira u sebe samoga najrazornije gluposti i primitivu jer tom „vjerom“ dokazuje LOJALNOST svojem plemenu i vođi gotovo neupitnom...

Istina je da neki za tu „vjeru“ bivaju „uhljebljeni“ na račun čak i naših koji nisu dovoljno u „vjeri“. Istina je još puno toga što se kotrlja okolo po našim životima kao vanjski gladac i SUŠTINSKI kompletni jarac, ALI ne smijemo sitničariti jer „oni“ jedva čekaju da rasture -ma KAKO ste samo pogodili!?!- nas...

Teorije zavjera time samo bivaju POTPALJENE, a orgijastičke euforije tek tu uzimaju brutalni zalet u „građanske slobode“ koje SVI koriste kao dimnu zavjesu za obični primitivni dernek promašenosti gdje „mi“ pokušavamo PRONAći, a onda i potvrditi – NAS...

Pandemija je ZAUJEK prostor sveopćeg kaosa koji određene vrhuške UVIJEK dočekuju sa skrivenim ali vrlo, vrlo iskrenim osmjehom. To je momenat kada SAMO ONI NA VRHU imaju „pravo uperenog prsta“, a svi drugi mogu umrijeti, a bogami i šutjeti. Inače, belaj!

Naše prosvjetne institucije ne troše previše na studiranje dinamike i prirode pandemije (bilo kakve i bilo koje!). Crkva, iako najstarija institucija u gotovo svim društvima, NE ŽELI čak niti da se PRISJETI koje i kakvo NJENO ponašanje u predašnjoj pandemiji je OTEŽALO svima, pa i Njoj samoj. Odvratna je to činjenica u ustima prepunim „vjere i ljubavi“...

Dravni aparati, institucije i vođe uglavnom pokušavaju PREŽIVJETI u vrlo dinamičnom i nepouzdanom vremenu otvarajući sva moguća kriva vrata i bacajući što više novca kroz zatvorene prozore.

Medicinske korporacije i instituti VRLO TIHO „hvataju bika za muda“ i BEZ IKAKVE ŽURBE ne diraju javni dijalog jer NJIHOVI CILJEVI ne trebaju dijaloge koji ionako gutaju previše vremena a samo za masažu ega mase ili nekog tamo političkog aparata i/li vođe...

Ja sam smislio da budem -u svemu tome- SUPERMEN! Al, ama baš NIKO neće ni slova da potroši na tu MOJU „transformaciju“! Crtanog filma jezikom rečeno: kaži i maži, ako nisi na TV-u ondak su to LAŽI! Nepostojeće...

Dakle, u igri su opet „centri moći“ ALI i fanatici i ekstremisti. Tzv. normalni su grdo dosadni i NIKOME POTREBNI. Ako baš insistiraju na nekakvoj normalnosti onda neka – pocrkaju. Normalno. Pa valjda neko treba geknuti, pandemija je...

I tu je onda ODJEDNOM ogroman prostor da se čovjek obruši u sebe i na sebe: iz fragmenata javnih vijesti i naslova ODJEDNOM počinju da niču fantastične, fanatične i POSEBNO fatalične „vijesti“ koje već u drugom prepričavanju postaju NEUPITNE „istine“ kako ONI hoće doći glave -i to ste pogodili!- nama...

Prije nekih 70-tak ljeta cijela Planeta, Njen VEĆI dio!, je završila krvavu i nedvojbenu BORBU kontra razularene zvijeri fašizma. Desetak godina NAKON te veličanstvene pobjede OGROMNA VEĆINA ratnih fašista je SVOJEVOLJNO „prešla“ na ANTIFAŠISTIČKE pozicije jer je bilo nepodnošljivo gledati šta je fašistička razularenost učinila Planeti u tom Drugom Svjetskom Ratu...

I – svima nam je počelo ići bolje: počeli smo imati školstvo za sve, medicinsku njegu za sve, prigodu da se zaposlimo i da nas niko na tom poslu ne može tući, pa su onda počeli pristizati televizori, automobili i topla voda u kupatilu... IZGLEDALO je da Civilizacija nastupa NEPOVRATNO POBJEDONOSNO u ime Čovjeka i Čovjekovog...

Kada su se najmodernijim avionima gotovo polupismeni mladići zabili u dvije najmoćnije građevine na Planeti ubivši jednim potezom gotovo 3000 ljudi MENI je postalo jasno da tzv. Vjere NEMA a da je država

OСТАVLJEN da vjeruje da je tako i nikako drugačije.

Ja magiju riječi volim ČUTI i bez slike! Važno mi je da riječ POTEČE, zašumi i reče. Nešto. Nekad, ponekad ili čak i iznenada...

Zvuk riječi ima i SAZVUK DISANJA, pa otuda PROSTOR između samo dva slova iste riječi biva monumentalno moćan, važan, pa i magičan...

Pjevati ovdje ipak neću. Ili barem je sigurno da to neće tek tako iskočiti. Sve teme ovoga podkasta su REFLEKSIVNE i nemaju namjeru da budu pametnije od svojih slušatelja!

Ovdje izrečene kritike ne ciljaju nikakve kazne i/li posljedice jer Autor smatra da se to već desilo, a i nastavilo dešavati, isključivo po nekom od mene neovisnom "voznom redu" univerzalnog trajanja i postojanja.

Ovdje govorimo. Ovdje dopuštamo riječi da istrči kao dijete i da ne uvrijedi gologuzom logikom spontane i jedine istine čiji vlasnik se OVDJE, TAKOĐER trajno – ne traži...

Ovdje imamo prostor koji se ne vidi ali jasno POSTOJI. Mi imamo DOKAZ da egzistiram, a NIKOME to nije naplaćeno niti u krvi, još manje strahu, neizvjesnosti ili nekakvoj besmislenoj podlosti...

[S.L.A.M.A sa Vama!](#) je podcast spontanog i djetinjeg formata kojemu cilj nije naciljan, a domet nikako pamet već uglavnom RADOST igranja RIJEČJU na interkontinentalnoj, GLOBALNOJ platformi NEOGRANIČENOG prostora koji je dušmanski zarobljen i stenje pod bezbrojnim BESMISLENIM podjelama demokracija, tehnologija, pameti, novca i ko sve ne zna čega., da, NEOGRANIČENI prostor je FRAGMENTIRAN surovim tvrdoglavostima NAŠEG jer oni NJIHOVI ne znaju kako smo baš MI neodoljivi...

Ne, nisam se nasmijao. Ne mogu. Ali, [S.L.A.M.A sa Vama!](#) ne odustaje od

Najkraće & najbrže:

- Ova stranica je i dalje kompletno EKSPERIMENTALNA.
- RAD NA OVOJ STRANICI i kreativni i tehnički NIKADA NIJE ZAVRŠEN.
- Sa najvećim ponosom ističemo da Duh ove stranice nikada nije i neće pripadati jednoj političkoj partiji, jednoj religiji ili jednoj BILO KOJOJ ogradi.

tek INSTITUCIJA koja samo štiti SVOJE VLASNIKE (korporacije i druge financijere!) dok FAŠIZAM ZDRAVA RAZUMA biva galopirajući kancer u sumraku civilizacije...

FAŠIZAM ZDRAVA RAZUMA je bila VODEĆA „snaga“ Balkanskih obračuna devedesetih i baš NIKO se nije pobrinuo ŠTA i KAKO će to NAŠOJ djeci učiniti/značiti. Bezočne krvoločnosti svih vrsta i bezdušnosti svih nemogućnosti su postali najtraženiji i najprodorniji „znakovi“ NAŠIH junaka! Tu i tamo bi se pomenulo kako smo MI puno bolji ali OVO SE MORA jer ONI SU JOŠ GORI...

Tu sam pao i ja. Padnem i ja...

Evo nas već godinu zatvoreni k'o sardine, a kažu, nova i gora tek stiže. Pandemija.

Šta ću, padnem i ja...

Kao i vazda prije,

uz najiskrenije pozdrave

od Vlade iz Kanade.



NASLOVNE PRIČE, arhiva

YC00A*	10.17*		
VK001*	11.17*	05.18*	
VK002*	11.17*	07.18*	06.20*
VK003*	12.17*	09.18*	07.20*
VK004*	02.18*	10.18*	09.20*
06.17*	03.18*	03.19*	02.21*
08.17*	04.18*		
09.17*			

Zbirka staroga i objavljenoga

[Ovakvi smo bili na samom početku](#)

[Zakonski uvjeti korištenja ove stranice](#)

[Ovako smo izgledali do aprila 2013](#)



[E-MAIL me!](#)

Copyright© 1995-2020 Vladimir Kreća and Independent Authors